



21697

III

Mag. St. Dr.

P


plus

*Leucayiski Pavimur Ignatus Ver aureae aetatis in
campo regalis Paninae floridum*

PANEG. et VITAE

Petri. Vol.

ME 1256



V E R

A V R E Æ Æ T A T I S

Campo Regalis Ianinae Floridum,

SERENISSIMO POLONIARVM PRINCIPI

Domino Domino

I A C O B O

SERENISSIMI ac POTENTISSIMI

IO ANNIS III.

Regis Orthodoxi

MAGNÆ SPEI FILIO

Ad primos Maij Natales,

Die Serenitatis Suæ Natali

PRÆSENTATVM,



CASIMIRO JGNATIO Comite de Leszno in Gołuchow,
Palatinida Podlachia,
In Collegio Varšaviensi Societatis Jesv Rhetoricæ Auditore,

A N N O

Vernantis in terra Nazarei Floris M DC LXXXI.

VARSAVIÆ, Excudebat Carolus Ferdinandus Schreiber.

E 21, 210

VER, floresq; Tuo plantavit Gratia Scvto:
 Huius ferri, ÆTAS AVREA, fructus erit.



21.697^m

Flora petit Clypeum, flores Mars: de Indole Nostri
 Principis, hic floret, bella sed illa gerit.

BIBLIOTH. UNIV.



UNIVERSITY OF CHICAGO

AD
S E R E N I S S I M V M

IACOBVM

POLONIARVM PRINCIPEM.

Regium Martis Campum, in Gentilitio SCVTO Tuo patentem, augustæ Spei floribus confitum suspexi PRINCEPS SERENISSIME. Vbi videns Poloniæ à Campis dictæ, etiã in Martis arena, ipsoq; Clypeo flores Pacis crescere; & ex ferro auream ætatem nasci: è voto publico à Te accepta publici Veris auspicia, Tibi defero. In flore enim ætatis Vestræ Principes, integra regna florent, & in primi Veris Serenitate vernant serenius. Aduertit Sarmaticus Ales in Te paruo suo Augusto, maximas spes. & vota Orbis vernare; cui ille boni ominis augur, augustas ætates pollicitus; nidum suum nō solis floribus Tuis; sed etiam adultis in Sceptris & diademata frondibus, optat à Te

coronari. Meusetiam Gentilitius Vrus, in
regio Martis Pacisq; Campo, ad regalis for-
tunæ & imperij cursum paratissimus; au-
spicia Volucris Polonæ sequitur. Atque in
Tua Serenissima Indole, Ver aureæ ætatis
veneratus, grauiore ferro non eget; quo
in sui Principis obsequia cicuretur. Habet
ille virentem tamnum, orbitasq; florum de
annorum Tuorum Vere collectas, quibus
vinculatur: vt æterno Honori & amori Tuo
mancipetur. Recreatus inter amænissima
florum Tuorum folia, literarum folijs
Ver Tuum explicare; vnde Palladem Flo-
ræ vices obire, meque florilegium agere,
voluit. Quod dum è voto publico ordior,
floribus Tuis INSCRIPTIS NOMINA REGVM,
regias plantationes, pijsimo SVPLANTA-
TORI Diuo IACOBO conformes, inscribo.
Atque cum ijs VER AVREÆ ÆTATIS,
in Tua Serenitate perpetuo obsequio cole-
re volens, me simul Gratia Principis im-
plantandum consecro.

SERENITATIS VESTRÆ

Honori Deuotissimus

CASIMIRVS JGNATIVS
Comes de Leszno.

V E R

Auræ Ætatis.

Ormantur sæcula ferrea in aurum: Vbi Tu in
prima ætatis Tuæ aurora, aureas horas vni-
Fuersæ spondens Sarmatiæ, in ipso florentis
vitæ Maio Augustos Virtutis auræ exhibes.
PRINCEPS SERENISSIME. Eadem est Serenitatis
Tuæ efficacia, quæ Solis: vtriusq; transfusi per terras
radij, inter ipsas crassiores ferri massas, auri venas repe-
riunt: atq; ferrugine exesa ambustaq; metalla, in pre-
tiosas glareas reformant. Debent id Respublicæ suis
Principibus; quod grandibus illorum auspicijs, gran-
des quasq; ærumnas doment; magna spe, maximas co-
gant fortunas; ipsam ferream temporum duritiem in
aurum flectant. Et concepta enim sperantium vota,
& Indoles votorum speiq; capacissima, occulta qua-
dam vi, in animos subditorum influere videtur: Ut
istud eis fortunatè adferat, quod fortunatè sperari
potuit. Sperabamus Lechi post pluuios sanguinis
imbres, ferriq; grandinem, tandem auream pacis mes-
sem: fauebant votis signa Lunæ Thraciæ, ad fulmen
Augusti Iouis nostri, pallidæ, ideoq; cruore suo plu-
entis: verùm Mars Polonis domesticus, nondum Sa-
turni Sceptra admisit: & cassidi asuetâ frōtē, ad flores &
serta nondum expediuit: ut, qui ferrum vix natæ Po-
loniæ induit, sub ferro eam & adolescere & consensce-
re spectaret. Nihilominus etiam sub brumales Mar-
tis rigores, atramq; belli caliginem, in Te Serenum
Gratiarum Ver habet Sarmatia; atq; diluculum au-
ræ suæ ætatis suspicit. Nouit illa sub galea rigentem
verticem ad coronarios flores aptare: quos de Tua

A

Indole

Indole, vota publica præripiunt. Florent in Te polo
Poloniæq; addictorum Principum auspicia : florent
Regalia Casimiri Lilia, cælo concolores Henrici violæ,
meditata magnanimi, licet teneri Sigismundi Laureæ,
plurimis purpuris dignæ Vladislai Rosæ, cæteri; tam
Gratijs, quam Bellonæ adamati flores. Hortum Prin-
cipum exhibere videris; quorum Tu implantatam in-
dolem vultu Tuo circumfers. Suffecerit Astiagi vna
vitis aurea, ad plurimorum regnorum inumbrandam
fortunam : Tu non vnus vitis, sed tot florum folia,
quot dignarum Principe virtutum indicia, ad vniuer-
sæ Patriæ gratissimam conformas vmbra : sub qua illa
Martios æstus temperet. Paruorum Principum vultus
non parui plerumq; solatij palæstra est : In hac maxi-
ma Regnorum Capita tristiore belli nube inuoluta se-
renantur : atq; Martio puluere insperlæ frontes amæ-
niùs detergantur. Serenas Tu Aquilæ Polonæ ocu-
lum, tristiore belli fumo ad lachrymas vsq; amarica-
tum : qui futuri præcius magnarum omina rerum
venturosq; triumphos, in Tuo Serenissimi Iulii nostri
Clypeo consignatos intuetur. Vnde tota in Tuo vul-
tu suspensa hæret Polonia, ac in eo florentis amænæq;
spei Ver, etiam sub rigidam hyemem à Caucaso Hæ-
moq; excitatam lætior accipit.

Instar veris enim vultus ubi Tuns

Affulsit populo; gratior it dies,

Et Soles melius nitent.

Horat lib. 4.

Od. 5.

Profectò in Martio regalis JANINÆ campo, non so-
la tela & hastæ, aut cataphracti (vt olim Thebis) viri,
crescere debebant : sed etiam flores, mox in virgas so-
lidas & Sceptra dominantium adulturi. Campus
enim hic quem regale ScvrvM exhibet, æque Palladis
floridam ac Martis rigidam suscipit plantationem.
Cum ex vtraq; Laureæ in coronarium sertum vniuer-
sæ Sarmatiæ æquali serenitate adolescant.

IN

I N C A M P O
R E G A L I S J A N I N Æ
P L A N T A T I O M A R T I S.

... -- -- *Manortia signa rubescunt*
Floribus, & subitis animantur frondibus hastæ.

Claud. de
nupt. Ho-
norij.

Totus Orbis in vnam Laureæ orbitam abiret;
Si omnes Principes JACOBOS haberet:
Hoc est

pios iustosq; SUPPLANTATORES.

Qui Laurus & oleas plantarent;

Simul Reges & Agricola:

Etiam in Castris Hortenses & Hortensij:

Sceptraferam manum aptando ad vomeres,

licet non cum Fabricijs.

Vomeres Gradiui sunt acinaces;

Quibus in campo Martis virtutis cultura est facienda:

Hic ut crescat Gloria, plantatur labor,

Sudore imo sanguine irrigatus.

In Polonia florilegium agent messorum palmarum gladij:

Qui serenum Fortunæ Ver auspicantur,

A natali Principis sui serenitate.

Hostiles tumulos, in virtutis areolas disponent

Victrices Hastæ;

quæ frondent in palmas,

annis diebusq; PRINCIPIS NOSTRI palmares.

Cultissima fiet Martis plantatio;

quam barbarus sanguis fecundabit,

Victrice Polona manu effusus.

Quidquid ille insperferit, rosa fiet,

Serenissimi Jacobi triumphali pede calcanda:

Affundet hostilis cruor,

Non vnam purpuram floribus,

In annorum Coronam Principi nostro crescentibus:

Ut sic ætas eius floreat,

Ad purpuras multorum Regnorum candidata.

Et in ipso flore,
Maturas annosq; plurimorum spes coronet.

PLANTATIO PALLADIS.

Te Iouis Quercus, & Apollinaris

Umbra Corymbi,

Te volunt Lauri, Tibi se Latini

Arbor Alcida probat, & supinis

Annuat ramis, & amica circum

Tempora serpit,

*Sarbieu:
lib: 2. od.
12.*

Bene conuenit
inter palmarum & paginarum folia:
Vtraque pari fructu explicantur, licet dispari colore.
Nigra sepia folijs chartarum affusa,
plerumque in baccas Lauri purpurascit;
mox virorem Fortunæ datura.

Purpuræ enim Honorum,
Plurimis non pluris constant,
Quàm atra literarum tinctura:
Quâ bene docti Apelles,
& honores & mores colorant.
Non alibi melius arbor Alcidx vernat;
quàm in Latio.

Tua hæc est indoles, Princeps Optime,
Quod paruus noster Alcides, ita Latium ames,
Vt docueris ætatem nostram:
Etiam extra Alpes, sub frigida Arcto,
Musis Castalios fontes calere.

Hic Tibi Calami
In folia Gloriæ abeuntes,
Lauretum exhibent.

Cui mox tela & hastæ frondescentes
palmarium dabunt.

Optimè nôsti, iolis illis deberi Iouis quercum,
qui Apollinarem corymbum tulerint.

Palla-

Palladium quæris tener Achilles,
Ut pergama non vnus Troiæ, sed orbis
expugnare discas.

Nec aliter Perseu noster vis triumphare,
Nisi Palladis ægide viceris.

Porrigitur igitur Tibi herbam Musæ:
Quæ suum Heliconē in Capite & Corde Tuo inuenerūt:
Multarum gentium linguæ & idiomata
confluxerunt ad Caput Tuum:

Ad quod olim multarum gentium
diademata confluent.

Iam Tullium & Archimedem in Te efformas:

Ut & ore & manu orbem scias metiri:

Et quidquid Tullius eloquio persuaseris,

Hoc in punctum Gloriæ Tuæ confluat.

Etiam Eloquentiæ flores, sub linea mathematica
Tibi benè plantantur:

Qui nihil potes discere, quod non sit rectum;
adeoque ad lineam regalis Sceptri compositum.

Coronam quæris Princeps
inter flores Palladios:

Ut discat Orbis vniuersus,

Poloniæ Principibus pluris constare sapientiæ,
quàm regni coronam:

Illosque, nō prius ad coronarium aurum Caput aptare,
quàm ad auream sapientiam.

Illæ demùm Coronæ sunt fortissimæ & fortunatissimæ,
quarum frontem occupat pretiosus vnio,
Achates Musis & Apolline signatus.

PLANTATIO FORTVNÆ

*Inscripti nomina Regum
nascuntur flores*

*Virg.
Æneid. 3.*

Valete Insulæ Fortunatæ:

Fortunæ hortos non iactetis.

Præripuit vobis omnem Fortunæ florem,

B

Trium-

Triumphalis Regius Campus;
Regios flores progerminans
Lilia inter Laureas.

Inscripti *Nomina Regum flores*

Dum crescunt, orbis oculos serenant.

Habet, quod hîc videat

Sol dexter, Luna sinister mundi oculus.

Nec quidquâ videbit; quod nō orbe toto serenū fuerit.

Suam quoq; hîc contuetur serenitatem,

Cæcum alias Numen,

Hortulana tantæ Plantationis Fortuna.

Hîc illa oculos reperit:

Flores enim isti, nō iam pratorum, sed bonorū Fatorum
Oculi sunt.

In vnius Principis vultu,

Omnium subditorum, imò Regnorum

Fortunæ, & fortunata sæcula videntur.

Maiestas Regum, speculum est subditorum.

Et, vix orta in diluculo ætatis Serenitas,

Totius futuræ diei omen habet.

In Tuorum annorum flore, Princeps Serenissime,

Videt Polonia suas adolescere fortunas:

Et in Vere ætatis,

Iam æstatem auream recipit.

Aurei enim mores Tui, aureum sæculum

Quia promittunt, iam exhibent.

Cum omnis de Te concepta spes, rem loquatur,

Simul præstitam ac speratam.

Fuerit cæteris Fortunæ satis,

Fortunas habere,

In ipsis puerilibus fasciis secum colligatas;

Vt secum rectius crescerent:

Nihilominus Tibi etiam extra fascias

Fortuna vinculata est:

Quam Libertas Polona,

Obsequio Principis sui obligauit.

Cæteris

Cæteris ad genium Libertatis,
liber dubiusque respondet Fortunæ fructus:
Tuum florem necessario consequitur;
Ut pote non solo sanguine Serenissimo,
Sed etiam virtute & gloriâ paternâ plantatum:
Fortes creantur fortibus.

Sentient ætates, quid possit indoles

Nutrita faustis sub penetralibus?

Quid Augusti paternus animus?

Ergo iam, serant plurimi in aduentu Principū flores,
ut in plausus laudesq; succrescant;

Nos illos de Te colligimus;

In quibus non modò Regij Sanguinis purpura,

Sed etiam Regiæ indolis candor,

Connotavit nomina Regum.

PLANTATIO VIRTUTIS.

Flores

*Q*uos neque frigoribus Boreas, nec Syrius urit
Æstibus, aeterno sed veris honore rubentes.

*Claudians
de laude
Sere*

VEra virtus nescit marcescere:

Postquàm semel floruerit,

Perenne Ver, & in ipso vere adfert Autumnum.

Pulchrum est in Maio ætatis,

Septembres & Octobres Virtutum viuere:

Atq; in aurora vitæ,

Meridiem indolis formare.

Etiam in Roscio placet Cato.

Nec in paruo Ascanio magnanimus malè viuit Aeneas.

Excedit angustos limites ingens Spiritus,

Ut paucos annos,

Multis extendat virtutum non temporum momentis:

Principis Nostri florida ætas,

In ipsa herba messem adfert:

Quā Augusti mores, in adultæ spei augusto proponūt.

Virtutes Paternæ crescunt in Filio;
Et quæ ibi in fascibus fascequæ collectæ sunt,
Hic in flore.

Gratum est à Superis donum;
pius, & superis simillimus Princeps.
Qui in corde & ore Elysios campos exhibeat;
Pro mæstarum solatio animarum.
Bonis Principibus etiam in animos Jus est,
Quia in vota & affectus.
Fugatur de Regno omnis dolor,
siccantur omnes lachrymæ;
Vbi virtus Principis in subditorum animis riserit.
Fuerit non nemo Principum, Cymbriæ Hilaritas?
Tu nobis Hilariū agis, SERENISSIME JACOBE,
Plantas Hilaritatem,

Toti Poloniæ,
Inter tot à fatali Luna eclipses,
Inter tetrici Martis nubila, tristeq; mortes,
Mæstissimæ.

Mitescit temporum austeritas;
Si mites & mansueti Principes,
Ipsis ferreis temporibus,
auream mansuetudinem imperauerint.
Imperabis discolis Temporibus modestiam;
Lege & statuto modesti pectoris.
Et iam adamantina ætas,
Lactentis Tuæ innocentiae candore emollitur,
imò expolitur.

Vt sic cultior fiat gemma,
In pallam magni annuli, scilicet Orbis vniuersi,
inferenda.

Non vitri florem ostentat Tua Virtus;
Quæ etiam duriori insita adamanti,
Hoc est adamantinæ ætati;
exprimit
pretio, adamantem, Te regni nostri gemmam;
Colore

Colore, Hyacinthum,
æquè inter gemmas ac flores pretiosum.
Flos hic, Cælo trahit colorem,
Solum recreaturus:
Poloniam beat, è Polo radicem accipit.
Sanè regalis Horti plantatio,
Vel Cælos fecundos in terras detrahit,
Vel ipsas terras in Cælos attollit.

PLANTATIO PVBLICÆ PROSPERITATIS

Laurus annosum Tibi signet ævum:

Fata Te nôrint; properentq; Parca

Nescium carpi Tibi destinatos

Stamen in annos.

Sarb. od

lib. 1.

Tota in TE viuit vigetq; Polonia,
Princeps publicum Regni Cor;
Ideoq; vitæ publicæ sedes.
Quia Tu Vnus publicam,
Tôta Respublica priuatam Tuam viuit vitam.
Vna eademque vita Regum est, & subditorum;
Si vnum cor fuerit.
Non aliud Homagium bonis Principibus
Boni Subditi debent;
Quàm vitæ & amoris:
Quia homines hominibus.
De singulis verò horis & momentis Regiæ vitæ
Capitalem censum accipiunt Subditi;
Prosperitatem.
Crescunt cum Tuis annis, totius Patriæ anni:
Ipsa Polonia senio grandæua,
Aetate curisq; defessa,
Prolixâ prouinciarum canicie veneranda,
Martij squaloribus rugosa;
Primam suam repetit Iuuentam;

C

Quam

Quam sub Lecho vixerat :
 Vt vel Tibi commodius placeat,
 vel in Te diutius viuat.
 Habet illa Libertatem,
 Planè Aureum Pomum:
 Gratum iuueni Principi donum.
 Quod, vt nunquam marcescat:
 Aetatis Tuæ flori conformat.
 Obligata & adstricta Tui Inuictissimi Parentis,
 Tuisque annis Libertas Polona,
 Nunquam magis se esse putat liberam :
 Quam cum Maiestati ætatiq; vestræ liberè captiuam ;
 Amoris tributariam.
 Perennabunt anni vniuersæ Sarmatiæ
 In Vestris.
 Qui ipsi, in annis sæculisq; vniuersæ Sarmatiæ
 perennabitis
 Coronatæ Aquilæ auspiciâ,
 Vestris debentur auspicijs:
 Vt Aquilarum annos, eosque coronatos viuatis.
 Non soli Augusto Romana,
 Nostri etiam Augustis Polona Aquila,
 Adfert Laurum:
 Quæ in Lauretum excrescat,
 Singulas frondes, in singulas coronas aptaturum:
 Ad coronandos in annis Principum,
 Patriæ vniuersæ annos.

P L A N T A T I O
 A V G V S T Æ S P E I.

Virg. Ae-
neid. lib.
6.

Tu Marcellus eris manibus date Lilia plenis

Viderit Roma semel auream in culmis messem:
 Stupuerit aureas Africa vites:
 Nobis in Te aurei flores perennant.
 Formate Omina Virtutes Hortulanæ;
 Ab aure-

Ab aуреo flore, num aureus fructus sit sperandus?
Nunquam languescit spes in herba:
Quam Virtus & Gloria plantauit.
Habet nostra Roma Marcellos,
In flore spei marcescere ignaros.

Tu Marcellus eris,

Romano felicior:

Cui non iam Pænus cum Africa,
Sed totus orbis triumphalem porriget herbam.
Porrexerunt fata Ascanio,
Incisas Clypeo,

Res Italas Romanorumque triumphos:

Tu fatorum dono non eges,
Quæ manu Tuâ comprehensa tenes!
In Paterno Scuto, Poloniae trophæa,
Et fortunarum omina habes.

Augurem Polonia agat.

Quæ à Parthicis Sagittis, polo suo umbras metuit:

A Regio Scuto accipiat Serenitatem.

Hæc Serenitas Floribus magnæ spei,
Gratissimam umbram dedit;

Aestus Martios temperantem.

Frigidi imò pestiferi ab Oriente venti,

Herculeo allisi scuto,

Frangent suos impetus:

Vel in lenes abibunt Etesias:

Vbi flores, & Ver, florum, Etesiarumq; Metropolim;

Hoc Scuto muniri didicerint.

Ver sepulchrum Brumæ est;

Nostro aureæ ætatis Vere tumulabitur,

Exorta à glaciali Caucaſo feri & barbari frigoris brumæ:

De cuius tumulo viuent surgentque felicius,

Spes & vota omnium,

Iam adulta

In Flore indolis Serenissimi Principis IACOBI.

PLANTATIO PERENNIS FAME.

*Crescit occulto velut arbor auro
Fama Marcelli, micat inter omnes
Iulium Sidus, velut inter ignes*

Luna minores,

*Horat.
lib. 1.
od. 12.*

Procera, frondosaque arbor est Gloria:
Cuius folijs & ramis,
Orbis vniuersus amat inumbrari.
Sub huius vmbram,
Regum capita prona veniunt, vt assurgant:
Sub huius frondium coronas hastasque
Demittuntur, vt honoratiùs coronentur.
Plantauerat Gloriæ arborem Macedo:
Quæ tamen alterum orbem inumbrare non potuit.
Hinc ille fleuit:
Vt lachrymas pro pluuiâ affunderet,
Ad incrementum suæ plantæ.
Ex eadem Scipiones excisi,
Ruentis Romæ fulcra dederunt:
Mortis tamen caries etiam illos in ruinam coegit.
*In se magna ruunt: lætis hunc Numina rebus
Crescendi posuere modum.*
Tua gloria, Arbor erit:
Vincetq;
Annorum diuturnitate palmas,
Immortalitate Cedros,
Virore & vigore Lauros.
Orientem obumbrabis, vt Occidentem illustres.
Tenebroso Septemtrioni nouum Sidus eris.
Ibi locabis trophæa & Colossos,
Vbi Boleslai æræ columnæ,
Terminalem Poloniæ signabant Lapidem.
Fortunæ iniicies compedes;

Feliciùs

Feliciùs quàm Xerxes Hellesponto:

Qua mare, qua terras, qua totum possidet orbem,

Tibi liberè sese captiuabit.

Sic vbi annis annales, factis fastos impleueris:

Nouam Famæ annonam, orbi prouidebis,

Vbi Laurus Palmasque seueris,

Gloriæ messem colliges.

Vbi semper aureas æstates vixeris;

Etiàm in annorum autumno

Ver aureæ ætatis semper viues.

MAIVS,

Veris Metropolis

SERENISSIMO PRINCIPI IACOBO;

Tributaria.

NON sola floridæ olim Græciæ tempora, sed eti-
am ferrea Nostra ætas, flores in tributum suo por-
rigit Principi. Gratissimum est Homagium è Florib⁹
magnæ. spei: quibus publica vota incrementum da-
tura, Fauoniorum vice fauentiùs aspirant: vt ad men-
suram publicæ priuata Regum vita & crescat & flo-
reat. Pendimus Tibi SERENISSIME PRINCEPS Veris
censum, flores; sed eos, quos de Tuo vultu, ueluti
floridissimo augustæ spei Viridario Vniuersæ Patriæ
vota collegerunt. Neque enim nos aliunde in tribu-
tum flores, florenti Tuæ ætati legere potuimus, quàm
ex Tuo Campo; in quo totum ver, per diuersos spei
flores, diuersaque tempora sparsum, Indoles Tua plan-
tauit: neque Tu, qui totius Poloniæ corda & animos
possedisti, & parua licet in ætate, grandibus auspici-
js tuam ditasti Patriam; vllum Homagium à Liberta-
te Amoreque Patriæ accipere debes: quod non fuerit
priùs à Te Libertati & Amori Patriæ datum: Cum
in Te tota Patria totaque eius libertas, vernare & flo-

D

rere

rere sese arbitratur. Maium igitur Metropolim Veris, no-
mini Tuo tributariam, & in ea semper Maiales annos,
nunquam marcidos vitæ & fortunarum flores, in
Homagium accipis. Phæbo olim sacrum Romana
Apotheosis dicauerat Maium: Nos in Te Tuumque
Tutelarem, hæc sacra transferimus: & Tibi Serenissi-
mo nostro Phæbo, votivum Anathema consecrando,
illi omina & vota incidimus.

MAIVS in Augustum formatur: veris amænos
Flora refer census: tristes procul este Planetæ;
Nulla, paludato per cærulea vertice Regna,
Nox eat: & tenebras quatiens nigrante quadriga
Deuehat àëreis densata volumina nimbis:
Sed roseâ latus formosos induat ignes
Fronte Polus: rutilaque faces, ac altra minora,
Fatidicosq; rogos, plausus, nouaq; omina ducat.
Lechicus Ales adest vates: super æthera claro
Igne nitens, medio distinguit ab axe coruscos
Stellarum tractus, Solis, Lunæque Senarum;
Atque repercussa virtutis imagine flammæ,
Stellarumq; globos candentibus induit alis.

Fortunata Tibi lentè currentibus annis
Sidera, crescentes Lunas, Solesq; beatos,
Rorantes placidè gemmas, sine nube Serenum,
Promittit Volucris venturi conscia Fati:
Et candore suo consignans candida votis
Lustra Tuis; niueos cernit Te Principe mores:
Quos candor variat placido virtutis honore
Succinctus, mentesq; rapit, populique fauentis
Corda trahit pietatis amor: ceu fragmina ferri,
Atq; pilas teretes vltro properante metallo,
Agglomerat magnes naturâ ac arte ministra;
Ceu niueos spargunt argentea Lilia flores,
Atque verecundo Narcissus ridet ab ore,
Vel Pæstana leues trudit rosa murice ventos,

Puni-

Punicus Helperijs vel floret ramus in hortis;
 Sic Tua, puniceum vernantis frontis honorem
 Explicat, & teneros matura Modestia Vultus
 Possidet: imperio fidens Virtutis amata:

Quã benè culta Themis commēdat, Pallas, & alto
 Corde repōstus Honos, Virtuteq; nata Parente
 Gratia, Falsq; Piumq; & Gloria Mater Honesti;
 Infederē sacram sublimis pectoris arcem.
 Eruet hinc sero defossam tempore Famam,
 Atq; olim mæstis capiet solatia rebus
 Bellipotens proles armati Lechia Martis:
 Maternis blandē nutritum Palladis vlnis,
 Ponet in æratis manibus, Clypeoq; Gradiui
 IACOBVM, & toto spectandum deferet orbe.

Sensa poli, populi grandes spes, vota Quiritum,
 Sarmaticæq; Aquilæ magnarum præscia rerum
 Omina, regali Scuto Campoq; notabit.
 Vota Tuis Princeps Sceptris ac aurea scribens
 Tempora; sincero voces de pectore promet:
Vince annis Aquilas, annos annualibus æqua:
 Ver Tibi semper eat; vernantia tempora circum
 Barbarico serpat Laurus nutrita cruore.

Hoc publicum votum est; Princeps Se-
 renissime : quod pro Te ad prima Maij
 sacra, Floræ Salutiq; Respublica exoluit.
 Superstitiosum Orbis caput Romam illa
 æmulatur; sed sine superstitione: dum
 vnâ Basilicâ, vnoque carmine Salutem &
 Floram pro Te veneratur: quot flores in
 tributum Floræ, tot floridas ætates in tri-
 butum Saluti Tuæ propositura. Tu inte-

rim Ver florum Metropolim, tenero adhuc,
& iam triumphali pede sub Aquili s Polonis
ingredere: Homagium de horis ipsis die-
busq; floridis habebis. Triumphas enim
amore Indolis Tuæ, vota & animos Ciuium:
quia triūphabis terrore Nominis arma, &
Sceptra hostium. Et cui nunc Flos ætatis
purpuram innocuæ Regiæ vitæ cōficit: eidē
purpura barbari sanguinis victore ense pro-
fusi, ad gloriæ apicem, regios consternet a-
scensus. Erigit arcus triumphales Ver, Tibi
suam metropolim ingredienti: quos nunc
florum varietate, mox de victorū hostiū ru-
bore colorabit. Exornant illos immortalia
trophæa, & immarcescibiles Inuictissimi Pa-
rentis Tui laureæ: breui Tibi ipsi vernaturæ:
quibus Tu, sub ferro & casside squalidū v-
niuersæ Sarmatiæ caput, amænè coronabis.
Nūc per floream aureæ ætatis portam, in
florum Metropolim Maiū, deduc tecum to-
tius Reipublicæ annos. Tuis annis tributa-
rios: vt etiam Poloniæ toti, bellorum autu-
mno iam decrepitæ & pænè emarcidæ,

VER AVREÆ ÆTATIS
semper floreat.



Biblioteka Jagiellońska



stdr0021336

